

光緒甲午新修臺灣澎湖志

第壹冊

光緒甲午新修懷慶府志

卷之四

甲午新修臺灣澎湖志卷十一

舊事

志之錄雜事。猶易之有雜卦也。單詞隻義。有關勸戒。識大識小。悉著於編。以故紀兵。則筆其大綱。附以細目。祥異則分年編次。據事直書。他若父老所傳聞。遺籍所辨証。為此邦故事。而他卷不得附者。類而志之。紫陽涑水。僕病未能論衡之。未庶幾百一。為舊事錄第十一。

紀兵 祥異 軼事 叢談

紀兵

隋大業中，黃州陳績畧地築澎湖。唯武記

明洪武五年，信國公湯和經畧海上，遷澎湖居民，海寇曾

一本等嘯聚焉。寇亦微筆談

嘉靖四十二年，都督俞大猷逐海寇林道乾至澎湖。

萬曆二十年，設澎湖遊兵以備倭。

天啓二年，外寇據澎湖，四年巡撫南居益遣兵擒之。先

是萬曆二十九年，有海澄人李錦及奸商潘秀郭震久居

外夷，詭其酋曰：若欲通貢市，無如漳州者。漳南有澎湖嶼

去海遠，誠得此貢市不難成也。酋曰：若守土官何？曰：稅使

高宗嗜金甚，若厚賄之，彼將疏上聞，事必諧矣。酋曰：善。錦

乃代為國書，移宗俾秀震賞以進，守將陶拱聖大駭，繫秀

於獄。震逸去。初秀與酋約。如有成議。當遣舟相聞。而酋急不能待。三十一年七月。即駕大艦直抵澎湖。時汛兵已撤。遂登陸伐木築舍。爲久居計。會總兵施德政令都司沈有容將兵往諭。有容負胆智。大聲論說。夷人露刃相詰。有容無所懾。盛氣與辨。酋心折曰。我從不聞此言。時撫按嚴禁奸民接濟。酋乃去。萬歷末。外夷復入北港。天啓二年。出據澎湖。築城守之。又泊船風櫃仔尾。出沒浯嶼東浹間。海寇李旦復助之。海濱戒嚴。天啓四年。巡撫南居益上言。番船五艘復至。與風櫃仔船合。凡十一艘。其勢愈熾。聲言該國已大集戰艘。議聚澎湖求互市。若不見許。必至備兵。爲今日計。非用兵不可。因列上調兵足餉方畧。却議從之。正月

遣將先城鎮海港。且築且戰。番人退守風厓城。居益大發兵。命總兵俞咨臬督諸軍齊進。寇勢窘兩遣使求緩兵。容運米入舟。即去。諸將許之。遂揚帆去。獨渠師高文律十二人據高樓自守。諸將悉力破擒之。獻俘於朝。澎湖之警以

息。節臺灣
舊志

大清順治十八年五月。明鄭成功率舟師抵澎湖。遂進臺灣。據之。臺澎本海外荒島。明得澎湖。旋守旋棄。鄭芝龍者南安人。少爲海寇。出沒島上。及投誠。嘗招民惡闖。後官正總兵。奉唐王入閩。稱號隆武。累授太師平國公。順治初大兵平閩。芝龍降我大帥。挾之北去。其子成功。本日本婦翁氏所生。幼有才畧。唐王一見奇之。賜國姓。授招討大將軍。

忠孝伯王是諫父不聽乃走鼓浪嶼聚兵襲據金門廈門
益通市外洋以益餉兵驟強連陷沿海郡縣特挂王舉兵
粵東稱號永歷遂獲成功為延平王進封潮王後由江南
敗歸廈門順治十八年臺灣通事何斌獻全臺地圖請為
鄉導成功聞其圖歎曰此亦海外扶餘也乃率舟師取臺
先以石礮薄澎湖自懸精銳進窺耳門適水漲丈餘連橋
而入遂拔之外寇以賊遁去成功旋卒傳子經經卒傳子
克塽有能名其弟克塽與其臣楊範弑之而自立仍用
永曆年號以大將劉國軒率水健軍二萬防守澎湖為全
臺門戶康熙初大兵平金門總督姚啓聖屢遣官招之訖
無成議時方廣選兵之令杜絕接濟不許寸板下海沿海

貧民不樂還者。或偷渡臺澎。佃魚為生。而通之利。久為鄭氏所擅矣。

康熙二十年。水師提督施琅。治兵廈門。以圖臺澎。琅晉以人。少嘗為鄭氏寇。以事忤成功。一眾被殺。琅脫歸。總督李率。奏為授副總兵。克緝金廈。平沿海諸島。有功。陞水師提督。康熙六年。以遺患且靖。抗疏請禱臺澎。有旨赴京面陳。旋授內大臣。一等伯爵。二十年内閣學士。李光地密薦施琅。老將知兵。可獨任。姚啓聖亦以為禱。詔授琅水師提督。加太子少保銜。琅既至。練兵遣兵。得水師三萬人。戰船三百餘隻。上疏以滅賊自任。歲乘南風。先攻澎湖。而啓聖欲乘北風。直取臺澎。議久未決。六月初四日。琅派薩征總

兵蓋義曾成。遊擊阮欽爲等駕快船二十三隻。往澎湖。探賊息。午刻。從古雷洲揚帆。初五日到澎湖之貓嶼花嶼。初六早。由虎井過西嶼。驟見劉國軒戰艘盡泊於娘媽宮。見我船至。大船緊起頭帆。小船盡起大帆。出煙綫二十餘隻。滿出西嶼頭。又有八罩船十餘隻。由海面駛上。我船恐衆寡不敵。傳礮收回。初八日到廈門港。歸汛。琅奏稱。此行遣發哨船。來去無阻。見有明據。而乘南風進取之計。遂決矣。二十二年六月。水師提督施琅大破劉國軒於媽宮港內。國軒遁。其將曾瑞江欽等戰死。餘衆皆降。時國軒沿岸築壘環二十餘里。間壘列礮。守禦嚴密。琅舟師濤泊平海澳。與總督姚啓聖會商進軍。有國軒部下柳勝林斗等。乘

間來投。備陳賊中可滅狀。謂國軒戰船不過百二十隻。所部林陞江欽等。最堪戰者約二千人餘。四千人皆新附之眾。私相偶語。提督不嗜殺人。俟大軍一到。便歸順也。啓聖意欲親行。琅密陳督臣矢志滅賊。國爾忘身。惜生長北方。水務非其所長。宜駐廈居中。調遣催趨。征旅。臣得帛統前進。將士知有督臣策應。勇氣自倍矣。從之。六月十四日。琅率卽船由銅山進發。十五日到花嶼。泊八軍水坡澳。遣官至將軍澳南大嶼等島。安撫居民。國軒驍將江欽、邱輝請邀而擊之。不許。十六日早。大兵進攻澎湖。署右營遊擊前鋒藍理一船。當先與敵將曾瑞決戰。大呼陷陣。以鐵鉤鉤其船。火器轟石。對擲如雨。烟燄蔽天。藍理腹中礮。腸迸出。

其弟殊急覓匹練裹之。理持刀跳盪聲如巨雷。士氣百倍。敵舟有飛天鼠者。沿大桅而上。銜刀捫繩。伏伺蓬陰。敵船轉蓬向外。則跳下突擊。理弟揮刀斬之。賊皆奪氣。時大風暴發。諸將衝鋒陷陣。深入重地。賊艘齊出合圍。勢危甚。琅自將坐駕衝入賊隊。矢集琅目幾殆。總兵吳英隨後繼進。鏖戰良久。殺其將楊威。將軍沈誠義。武鎮陳侃等。其水師總督林陞中重傷遁去。我軍或被風飄散。幾為所乘。然皆裹瘡奮擊。所殺傷過當。日暮傳令收出西嶼頭。拋泊洋中。國軒欲收軍。江欽、邱輝進曰。彼眾倍我。而港道生疎。今方喘息未定。宜乘夜掩擊。使自相撞擾。敵可破也。國軒不從。令各船皆泊南風澳。而我師誤泊北風澳。國軒大喜。謂可

不戰而勝。乃置酒談笑。意氣自若。時南風迅發。忽疾雷一聲。颶頓止。轉起北風。敵舟自相撞碎。而我舟安穩無恙。蓋俗有六月一雷止九颶之語。至是竟驗。實天意也。十七日。琅命全線收泊八罩巖。申軍令查定功罪。明示賞罰。十八日。進取虎井桶盤嶼。琅追賊過猛。擱淺被圍。藍理負瘡潰圍救出之。十九日。坐小哨往內外壘特視。縱觀形勢。總兵吳英謀曰。今我眾彼寡。宜用五梅花陣法。分頭迎敵。令數船專攻一船。使指臂相依。心力齊一。幾不勝矣。琅聽之。二十二日。再申號令。遣隨征都督陳蟒領船五十隻。從東畔特裡直入鵝鑾嶼。總兵董義領船五十隻。從西畔內壘直入牛心灣。以分賊勢。琅自將大烏船五十六艘。分爲八隊。

每隊七隻。各作三疊。琅居中總兵吳英、朱天貴、陳龍、陳昌林賢、楊嘉瑞、參將羅士鈐、遊擊監理曾成等，各領一股，分左右隊齊進，不列大陣。惟約以五艘攻其一艘，人自爲戰。餘船八十餘隻，隨後援應。是日早潮漲高四尺，琅嚴陣指揮，直向娘媽宮衝擊。國軒悉銳拒戰，酣鬪竟日。東西二股兵乘勢夾擊，巨礮連轟，呼聲動地。拋擲沉敵舟百餘號，殲其征北將軍冒瑤、定北將軍王順、統領右先鋒陳諒、戎旗二鎮吳潛等三百餘員。兵不勝數，浮屍滿海。其驍將水師副總督左虎衛、江欽、宣毅左鎮邱輝，衝突血戰，給朱天貴近前話舊，飛礮擊之立殞。已見精銳皆盡，大勢已去，乃開衝心礮自沉其船而死。國軒見勢不支，乘小舟由吼門遁。

吼門水淺時適暴漲得乘間跳去亦天意也其守壘陸軍
皆解甲迎降琅獎賞有差欲歸見妻子者給舟送之歸宣
播威德臺灣士民皆望大兵速至於是我軍入娘媽宮扼
守要害焉進取之計矣。

秋七月鄭克塽遣裨將馮錫圭等詣軍門投誠許之八月
靖海將軍琅奉大兵發澎湖入臺灣受降克塽聞澎湖
敗耗與馮錫範議竄南洋未決旋聞我大帥優待降人眾
心搖動而國軒單舸逃至以雷震潮漲天眷有在勸克塽
決計投誠遂遣馮錫圭陳夢球賡表至澎湖請降八月琅
入鹿耳門國軒令小舟前導進港乃藉其倉庫兵民之數
納土歸命提聞詔封克塽漢軍公晉施琅靖海將軍一等

靖海侯世襲罔替。贈天寶太子少保。謚忠壯。琅疏陳善後
事宜。請設郡縣設兵戍守臺澎。報可。而臺澎遂爲東南數
省藩籬。成海外樂利之區矣。府縣志靖海紀聖武紀行朝錄鹿
洲集武功紀威臺澎外紀合集

六十年夏四月。臺灣奸民朱一貴作亂。陷府治。巡道梁文
瑄等退至澎湖。右營守備林虎倡議固守。一貴本名祖
原籍長泰人。嘗充道役。被革居鳳山草地。飼鴨爲生。能編
隊出入。愚氓惑焉。一貴好結納。無賴見文武恬熙。心易之。
辛丑春。粵賊杜君英與一貴通。樹旗作亂。總兵歐陽凱遣
遊擊周應龍帶戍兵赴番捕之。兵番肆淫掠。見賊即潰。鳳
山不守。賊黨翁飛虎等遂犯府城。水師遊擊游崇功自笨
港聞變歸。見各官眷屬登舟將逃。歎曰。官者民之望也。官

眷逃則民心散。大事去矣。乃率兵赴春牛埔。合鎮兵禦賊。鎮兵忽自亂。隊目楊泰輝執導客勇者刺凱下馬。水師副府許雲英等功等九員力戰死之。一貴遂入府治。僞號永和。自稱義王。北路賊同時攻諸羅。參將羅萬倉戰死。一時三邑俱陷。巡道洪文植府廳縣王珍。王禮。吳觀城諸羅縣朱燮等逃至安平港內。商艘盡驅出鹿耳門。恐爲賊所得也。旋與武升。周應龍等十餘員相率登舟。退至澎湖。於是澎湖羣情洶洶。文武倉卒。不知所爲。亦各出家眷登舟。欲渡廈門。舟將發矣。右營守備林亮言於協鎮曰。朝廷以我等典守此土。今未見賊而先遁。將來必伏刑誅。徒死無益。不如固守待援。有敢倡議退走者。請以軍法從事。應曰諾。

亮即馳至海濱徑申主將號令。等回各官眷屬。棄絕私沒。民心稍定。

六月提督施世驥總兵藍廷珍。統兵抵澎湖。率守備林亮等進攻鹿耳門克之。連戰皆捷。遂復臺灣。總督覺羅滿保聞報。檄水師提督施世驥。刻期出師。調南澳總兵藍廷珍。率舟師會剿。滿保馳赴廈門。拜壓檄浙粵二省及廷建各屬運米赴廈門平糶。令征兵皆駐舟中。每日只許一人登岸。一切軍實皆在廈門籌辦完備。又令人多載魚肉蔬菓之屬。赴澎湖軍營售賣。復慮大兵進剿澎湖。單薄檄召金門鎮總兵黃英。統領海壇遊擊李殿臣。羅源遊擊王良翰。福州城守都司李經世。軍標守備黃元溥。拔標守備何